

آبونه شرائطی : هریر
ایچون سنه لکی (۲۷۵)
آلی آیلغی (۱۵۰)

نسخه سی ۵ غروشدور .
ایکی نسخه برآراده
(۱۰) غروشدور
سنه لکی ۵۲ نسخه در .

اداره خانه : باب عالی جاده سنده
رشید افندی خاندنه

اخطارات
آبونه بدلی پشیندر .

مسدکه موافق آثار مع الممنونیه
قبول اولنور . درج ایدله یین
یازیلر اعاده اولنماز .

کتابخانه

سر ۱۳۳۰

صاحب و مدیر
اشرف ادیب

باش محرز
محمد عاکف

والله یهدی من یشاء الی صراط مستقیم

اتبعون اهدکم سبیل ارشاد

ہندستاندہ وضعیت

صوک کونلرہ انکلیز غزہ لرینک ہندستاندن آلدینی خبرلر، مع الاسف مسلمانلری متاثر ایدہ جک بر ماہیتہ در . چونکہ مہاتما (غاندی) ایلہ (مولانا محمد علی) و (شوکت علی) نک نہایتسز فداکارقلرلہ قورمغہ موفق اولدقلری بنیان وحدت واتحادک صارصلمغہ و بو بویوک مجاہدلرک ہندستان حرکت ملیہ سی ایچون قبول ایدوب تطبیقندہ فوق العادہ موفقیتلر اجرا ایتدکاری اساساتک تبدیل و تحریفہ دوچار اولمغہ باشلادیغنی کوریوردن .

ہندستان کبی یک واسع بر مملکتی تشکیل ایدن و ہربری آری بر دینہ منسوب ، آری بر لسان ایلہ متکلم ، شیمدی بہ قدر آری منفعتلر پشندہ قوشان ، سنہ لردن بری یکدیگریہ مخاصم وضعیتہ طوران بویوک کتلہ لر آرمہندہ ملی بر وحدت تأسیسی بر قاچ سنہ نک مساعیسلہ اولوب بیتہ جک بر ایش اولمادیغنی محفدر . باخصوص کہ بو مملکتک باشندہ ، اورادہ بر وحدت ملیہ نک تأسیسی کندی منافع حیاتیہ سی نامہ ال بویوک تہلکہ عد ایدن بر حاکمیت اجنبیہ بولونیورکہ ہر واسطہ ایلہ ہندستانی تشکیل ایدن کتلہ لر چارپیشدیرمغہ و بری حمایہ ایدرک دیکرینی ضعیف دوشورمکہ چالیشمقدہ در . فقط ہر مانعہ بہ رغما ہندستانک منور فکری ، وطنپرور اولادیغنی طویلایان و ہندولرلہ مسلمانلری تمیل ایدن تشکیلات ملیہ نک حرب عمومی بی متعاقب یکدیگریہ قارشی ہر درلو مجادلہ لردن صرف نظرلہ توحید مساعی بہ قرار و یرمہ سی و بو قرارینی تطبیقہ موفق اولماسی ہندستانک حیات وآمال ملیہ سی نامہ بویوک بر ترقی آدمی تشکیل ایدیوردی . بو اتحاد و وفاقک اک باہر تجلیاتندن بری خلافت دعواسنک بوتون ہندستان طرفندن ناثل مظاہرت اولماسی ، بوتون ہندستانلیرک خلافت دعواسنی مدافعہ دہ یکوجود بر کتلہ تشکیل ایتہ لریدر .

مسلمان ہندلیرلہ غیر مسلم وطنداشلری آرمہندہ کی واتحاد و تساند کچن سنہ (احمد آباد) دہ و حکیم اجمل خان ، حضرت تلوینک ریاضی آئندہ طویلانان ملی قونفرمہ کجائی بولمشدی . بر مسلمانک ، ہندلرلہ مسلمانلردن متشکل بر قونفرمہ ریاست ایتہ سی ایلاک دفعہ واقع اولوبوردی . بو قونفرمہ نک ویردیکی اک مہم قرار ہندستانک آمال ملیہ سی تحقق ایتدیرمک ایچون اختلاجویانہ حرکاتہ تصدی ایتہ کسزین سکوت و مسامت داخلندہ عمومی بر بوقوتاتر اعلان و تطبیق ایتہ سی ایدی . بو بوقوتاترک پروگرامی مواد آتیہ بی محتویدر :

۱ - حکومت طرفندن اعطا اولونان القاب ، نشانلر ، و مأموریتلرک اعادہ سی ،

۲ - حکومتہ عائد مکتبلرک ترکیلہ ملی مکتبلر تأسیسی ،
۳ - محاکم عدلیہ نک ترکیلہ بوتون دعواترک ملی محکمہ لردہ حل و فصلی ،

۴ - حکومت طرفندن اجرا اولوناجق اصلاحاتی نظر اعتبارہ آلیہرق مجالس تشریعیہ بہ عدم اشتراک ،
۵ - اجنبی امتعہ سنک ، بالخاصہ آقشہ سنک عدم استعمالی ،
۶ - ہندستان عسکرلرینک داخل مملکتندہ تحکمی ادامہ ، خارجدہ سائر ملتلری اسارتہ دوشورمک ایچون قوللاقمقدہ اولماسنہ مبنی خدمت عسکریہ نک ترکی .

۷ - نہایت حکومتہ اعطا اولونان ویرکولرک عدم اعطاسی ، طبیعی بو پروگرامک تطبیق مشکلدہ . فقط تطبیق اولوندینی تقدیردہ ہندستان ، استقلالک دشمنلرینی خاک ہلاکہ سرمش و ہندستانی بحق قورتارمش اولوردی . اسارت اجنبیہ دوجار اولوب مقاومت مسلحہ بہ اقتدار اولمایان بر مملکت ایچون ، بو طریق مجاہدہ دن اسلم بر طریق بولونامازدی . بالخاصہ اقتصادی بوقوتاتر ہندستان استقلالک غاصبلرینی اک چوق دوشوندیرمہ جک ، ہندستانہ قارشی یک ملایم طاورائمالرینی ایجاب ایتدیرمہ جک بر مادہ ایدی .

بوقونفرمہ نک ختامندن بر مدت صوکرہ (مہاتماغاندی) توقیف اولونمش و آلتی سنہ حبسہ محکوم ایدلمشدی . غاندینک صوک سوزی ساکن بوقوتازہ دوامدن عبارتدی . فقط ۱۹۲۲ سنہ سی قونفرمہ سنک اجتماعندہ قونفرہ رئیس (داس) ، (غاندی) ایلہ رفقا سنک برنسیپنہ کلیا مخالف بر فکر درمیان ایتمش ، حکومتہ قارشی بوقوتاتر یرینہ بالعمکس حکومتلہ ظاہراً ای کچینمک ، مأموریت قبول ایتک ، مناصب حکومتی ملتپرورلرلہ طولیدیرمق و بالتیجہ حکومتی ارادہ ملیہ بی قبولہ مجبور ایتک کبی بر پروگرام تطبیقی توصیہ ایلہ مش و بو اساس اوزرہ ، استقلال و خلافت جمعی ، نامی آئندہ یکی بر جمعیت تشکیل ایتشدہر .

(غاندی) نک تعقیب ایتدیک بوقوتاتر سیاسی یک آز بر زماندہ تأثیرینی کوسترہ رک دشمن طرفنی شاشیرتمش و اونی یک شایان دقت ضررلرہ کرفنار ایتمش اولدینی آشکار اولمقلہ بو سیاستک ترکنہ و حکومتہ قارشی «عدم موالات» رینہ «موالات» سیاستک تطبیقنہ قرار ویرماسی ہندستان افکار عمومیہ سی اوزرندہ یک بویوک بر سوبہ تأثیر اجرا ایتشدہر .

(غاندی) طرفندن تعقیب اولونان سیاستک تأثیراتی (ماہنجستر) و (لانقشایر) محیطلرندہ حس اولونمغہ باشلاندینی زماندہ بو سیاسی ترک ایتک ہندستاندہ بر طاقم اختلافات داخلہ بہ و (داس) طرفندن تشکیل اولونان جمعیتہ مخالف بر جمعیتک تأسیسی کبی ہند قوای ملیہ سی پارچہ لامق کبی بر طاقم نتیجہ لرہ مؤدی اولاجقدر .

لوزان قونفرانسده میسیونرلرک فعالیتی



مملکت مزده شعائر اسلامیه بی یقیمق وظینه سیله مکلف اولان میسیونرلرک ، مساعیلرینی تحت تأمینہ الملق ایچون لوزان قونفرانسه قدر مرخصلر کوندرمک صورتیه ابراز ایتدکلری فعالیت مسلمانلرک کمال اهمیتله نظر عبرت وانتباهنی جلب ایتلیدر . دول معظمه مرخصلری ده میسیونر ، مؤسسائی حقنده معاهدهیه برطاقم مواد مخصوصه درج ایتدیرمک خصوصنده اصرار ایدوب طوریبورلر . ائتلاف دولتری طرفندن تکلیف اولونان بوماده لرک ، از جمله ۱۱۵ نجی ماده نك قبولی حالنده آرتیق میسیونر تهلیک سنک اوکنه کچمک امکانی قالمایه . جفنده شبهه یوقدر . اونک ایچون عصمت باشا حضرتلری بو ماده شدتله اعتراض ایتمکده در .

میسیونر تشکیلاتی ایچنده اک بویوک فعالیت کوسترن (آمریکا کنج خرسیتیانلر جمعیتی) در . لوزانده بولونان بو جمعیت مرخصلری کندی جمعیتلری حقنده برطاقم امتیازات تأمین ایتمک خصوصنده آمریقا مرخصنی آله ایتشلردر . آمریقا مرخصی میستر (غروو) کده بو جمعیتلری مدافعهیه حاضر لایمقده اولدینی استدلال اولونمشدر .

بو مسئله حقنده مسلمان قارئلری تنور ایتمک لطفنده بولونان توحید افکار سر محردی ولیدیک افندی قارداشمز لوزاندن کوندردیکی بر مکتوبده دیورکه : « (غروو) ک بوطبیک بزم طرفزدن ترویج ایدیه بیلمسنه امکان یوقدر . بر کره (امریقا کنج خرسیتیانلر جمعیتی) متارکدن صوکره کیمسهیه ، صورمه دن کلوب مملکت مزده یرلشمشدر ، که بو حال اساس اعتباریه غیر مشروعدر . ثانیاً جمعیت مذکور مملکت مزده صرف خرسیتیانلری نشر وتعمیم ایچون گلش وشمیدی به قدر بر جوق کنج لری بزمک وبالخاصه کنج قزلری بزمک اخلاقک ، سجه سنک ، عقیده سنک بوزولمسنه سبیت یرمشدر . اورته ده بومثال وارکن آرتیق بزم بوندن صوکره بو جمعیت مشومیه بی مملکت مزده یاشامایه جفمزدن ذره قدر شبهه ایدیه مز . دکلی ؟ . فقط ایشک شایان حیرت جهتی بو جمعیت مسئله سنک تا لوزان صالح قونفرانسنه قدر عکس ایتیمی وبو جمعیتلری مدافعه ایچون بورالره قدر مرخصلریله کوندریله سیدر . » اوت ، اونلر کندی غایه لری اوغورنده بویله دیپلوماتلریله ، رجال حکومتیله برلکده یورولمقسزین ، ییلمقسزین چالیشوب طوریبورلر . و اونلر بویله چالشمقده کندی ملتلرینک مادی ، معنوی منفعتلرینه خدمت ایدیورلر . بونلر بزم مسلمانلر ایچون بویوک عبرت درسلیدر . فقط عبرت الملق ایچون ده بصیرت اهلی اولمق لازمدر .



اساساً بو کی اختلافندن استفادهیه حاضر لایان معهود دشمن وار قوتیه مسلمانلری هندولردن آیرمق ایچون بر طاقم فتنلری ایقاپله غیرت ایتمکده در . (پنجاب) و (احمد آباد) ده مسلمانلره وطنداشلی آره سنده وحدت ونسندی کوکندن صارصان بر طاقم منازعه لر وقوع بولدینی کی (رازبوت) ده بونک امثالی وقوع بولمشدر . (رازبوت) لر پت پرست بر جماعت اولدقلری حالده صوک سنلرده دین اسلام بونلر میاننده انتشاره باشلامش وبالنتیجه بونلرک یوزده (۷۰) ی دین اسلامی قبول ایتمشدر .

بوزار بوتلری پت پرستلکه اعاده ایتمک ایچون بر جمعیت تشکل ایدرک فعالیتیه ابتدار ایتدیکندن مسلمانلر جوق متأثر اولمقده درلر . صوک کونلرده آلیان خبرلر ایسه بوکی اختلافات ومنازعاتک باصدیریلانجی یرده بالعکس ترید سدت ایدرک مستولی بر حال الملق استمدادنده بولوندینی کوستریورکه اک شایان تأسیف اولان جهته ده بودر .

مع مافیه بو کی صارصیتلره هندستانده تأسس ایدن انتباهک بوغولامیه حفته ، بو ملی بحرانلرک طریق سلامتی بولمقله نهایتدیر اوله جفنه امیز .

مع مافیه بو بحرانلره رغماً هندستان مسلمانلری بوتون موجودیتلریله دعوای خلافت مظاهرتیه وخلافت حرکتنده دوامه قرار یرمشلردر . هندستانده شیمدیک وضعیت بومرکزده در .

بر هر حالده هندی دینداشلر مرکز متبصرانه حرکت ایدرک اعظمی فداکارقله تأسس ایدن بنیان وحدتی ترصین ایتهلرینی وبر طاقم اغواآت اجنبیه ایله وقوع بولان منازعاتک اساسی برتأثیر اجزای تمامسی ایچون هر درلو تدابیری اتخاذ ایتهلرینی تمنی ایدرز .

ایرلانداده وقوعه کن افتراق وجدال ، هندستانده ، مصرده وسائر یرلرده بر جای تطبیق بولورسنه امین اوله لمکه اسلام دعواسی جوق فلاکتلره اوغرایه رق امپریالیزم سیاستی بر کره ده احرار ظفر ایده جکدر ، فقط امپریالیزمک بو سفر احرار ایده جکی ظفر عموم اسلام ایچون جوق قورقونج اولاجقدر . بناء علیه هر هانکی مسلمانک بو ظفره ادنی بر صورتده عامل اولماسی لازم کلیر .

شایان شکر اندرکه هندستاندن آلیسان اک صوک خبرلر اکابر اسلامیه نك مسلمانلره وطنداشلی آره سنده کی هراختلافی تسویه ایتمک ایچون تدابیر لازمهیه توسل ایتشلر وحکیم اجل خان ، دو قور احمد مختار انصاری کی مقتدر وفاضل ذواتدن متشکل بر هیئت بواشی درعهده ایتمک اوزره انتخاب اولونمشلردر .

بو ذوات طرفندن صرف اولوناجق مساعینک مثبت ومنمربرنتیجهیه دسترس اولماسنی کمال صمیمیتله تمنی ایدرز .

ع . ر